

## **Mintzola Fundazioaren eta Mikel Laboa Katedraren deialdia (2020). Euskarazko ahozko kultur sorkuntzari buruzko doktorego-tesia egiteko**

### **DEIALDIAREN XEDEA**

Mintzola Fundazioaren eta Euskal Herriko Unibertsitatearen arteko lankidetzari esker sorturiko ikerketa-kontratu honen helburu nagusia euskaraz egiten den ahozko kultur sorkuntzari buruzko ikerketa zientifikoa bultzatzea da; esan nahi baita, **antzerkigintza, bertsolaritza, kantagintza, kontalaritza edo ahoz emateko sortzen den beste kultur adierazpide baten ikerketa sustatzea**. Euskal Herriko Unibertsitatearen parte-hartzea Mikel Laboa Katedraren eta Euskararen eta Ikerketaren Arloetako Errektoreordetzen bidez gauzatu da.

UPV/EHUko Mikel Laboa Katedrak, bestalde, bere zereginen artean du artearen eta folkloreak adierazpenei buruzko zein euskal artisten obrari buruzko doktorego-tesiak sustatzea, eta bere egitasmoan zehazten du bertsolaritzari, musikari eta dantzari arreta berezia eskainiko zaiola.

Hori guztia kontuan izanik, deialdi honen xedea honako hau da: Mintzola Fundazioak eta Euskal Herriko Unibertsitateak sinaturiko lankidetzaren esparruan, deialdi publiko argitaratzea **euskarazko antzerkigintza, bertsolaritza, kantagintza, kontalaritza edo ahoz emateko sortzen den beste kultur adierazpide bati buruzko doktorego-tesia** egitea helburu duten doktorego aurreko **kontratu bat** formalizatzeko UPV/EHU.

### **PROZEDURA**

- 2020an **doktorego aurreko kontratu bat** finantzatuko da.
- Kontratua izan daitekeen hautagaiak ikerketarako gai dela bermatzen duen masterra edo horren baliokidea amaituta izan beharko du kontratua sinatzeko unean (2020ko uztaila).
- Aukeratutakoak doktorego aurreko urtebeteko kontratu bat lortuko du, beste hiru urtez luzatzeko modukoa, Euskal Herriko Unibertsitateko sail edo institutu batean tesia

egiteko, formazioan diren UPV/EHUko ikertzaileei dagokien arautegiaren arabera. Matrikulazio-gastuak aukeratutako doktoregaiak ordainduko ditu.

- Doktorego aurreko kontratu hori UPV/EHUren bidez formalizatuko da.
- Tesiaren defentsa kontratua amaitu baino lehen egingo balitz, kontratatuak doktore-titulua eskuratzen duen hilaren azken egunean etengo da kontratua. Kontratatuaren obligazioa izango da tesian defentsa-data aurretiaz (gutxienez astebete lehenago) jakinaraztea Mikel Laboa Katedrako eta Mintzolako zuzendaritzei.
- Doktoregaiak urtero aurkeztuko die Mikel Laboa Katedrako eta Mintzola Fundazioko zuzendaritzei, maiatzaren 30a baino lehen, urtean egindakoaren txostena eta hurrengo urteko eginkizunen aurreikuspena. Txosten hori tesi-zuzendariak sinaturik entregatuko da. Txostenaren ebaluazioaren arabera berrituko da kontratua, betiere aurrekontu nahikoa izanez gero.
- Deialdi honetan zehazten diren ikergaietako hiru adituz osaturiko hautaketa-batzordeak baloratuko ditu aurkezturiko curriculumak eta tesi-proiektuak. Baremoak zehaztu ondoren, **puntu gehien duenetik gutxienera doan zerrenda egingo du**. Puntuazio altuena lortu eta kontratua izatea merezi duen hautagaiaren izena proposatuko dio Mikel Laboa Katedraren eta Mintzola Fundazioaren zuzendaritzei, bai eta horren ordezkoen izenak, uko egiteak edo beste edozein gertaera konpontzeko. Aditu batzordeak gurako guztiei edo batzuei elkarrizketa pertsonalak egitera dei egin ahal izango die. Batzordeak laguntzak eskuratu nahi dituzten eskatzaileen soslaietara egoki iritziko ez balie, 2020an kontraturik egin gabe utz liteke.
- Saritutako proiektuari dagokion tesia gauzatutakoan, Mikel Laboa Katedrak zein Mintzolak tesia argitaratzeko eskubidea edukiko dute, idazlanaren pasarte bat izan edo idazlan osoa izan.
- Deialdira proiektu bat aurkeztea aski da, tesian egileak deialdiaren prozedurari dagokion puntu guztiak onartzen dituela baieztatzeko.

## ESKARIAK

Eskariak Mikel Laboa Katedraren Zuzendaritzari eta **Mintzola Fundazioaren Zuzendaritzari** bidaliko zaizkie, deialdi honekin batera doan eskari-orriarekin, ondoko helbide elektronikoetara: [pio.perez@ehu.eus](mailto:pio.perez@ehu.eus) eta [administrazioa@mintzola.eus](mailto:administrazioa@mintzola.eus) .

- Eskariak aurkezteko epea: **2020ko ekainaren 26 arte**

- Eskaerarekin batera, honako dokumentu hauek bidali behar dira e-postaz eta PDF formatuan:
  - NANaren fotokopia.
  - Curriculum vitae eta curriculumean aipaturiko merezimenduak egiaztatzen dituzten dokumentuen kopia. Egiaztatu gabeko merituak ez dira baloratu.
  - Norberaren ikasketen espedientea (Doktoregoko ikasketetara edo Ikerkuntzako Master Ofizialera sarbidea ematen duen tituluaren ikasketen espedientea), non lortutako kalifikazio guztiak eta horien datak agertzen diren. Espedientearen agertu behar du titulua eskuratzeko egin behar diren irakasgai edo kreditu guztiak egin direla.
  - Doktorego-tesiaren proiektuari dagokion txostena, tesiaren eta saileko/institutuko zuzendariaren oniritziak.
  - Tesiaren zuzendariaren curriculum vitae, erabili ohi diren formatuetakoren batean.
  - Merezimenduak barematzeko esanguratsutzat jo litekeen beste edozein dokumentu.
  - Aurkeztutako dokumentuen zerrenda (I Eranskina).

## **EBALUAZIO-IRIZPIDEAK**

- Proposamenak honako irizpide hauei jarraituz ebaluatuko dira:
  - Hautatutako ikergaiaren egokitasuna, tamaina eta koherentzia, deialdian proposatutako ikerketa-lerroen artean.
  - Proiektuaren ebaluazioa: doktorego-tesia egiteko proiektuaren interesa, helburuak eta metodologia.
  - Doktoregaiaren espedientea: CVa eta espediente akademikoa.
  - Euskarazko tesiak bakarrik onartuko dira.

## **DATAK ETA INFORMAZIOA**

- Eskariak aurkezteko epea: 2020ko ekainaren 26ra arte.
- Hautatuaren izena eta ordezkoren zerrenda argitaratzeko eguna: gehienez, 2020ko uztailaren 20a
- Kontratua sinatu eta tesia egiten hasia: 2020ko uztaila-abuztua.



- Mintzola Fundazioaren atarian ([www.mintzola.eus](http://www.mintzola.eus)) eta UPV/EHUren atarian ([www.ehu.eus](http://www.ehu.eus)) argitaratuko da deialdiari buruzko informazioa zein deialdiaren urratsen berri.
- Deialdiaren inguruko gorabeherei buruzko galderak honako helbide elektroniko honetara zuzenduko dira: [pio.perez@ehu.eus](mailto:pio.perez@ehu.eus)